

遼陽縣志四編

人事

施自官府者爲政治見之於民者爲事爲風俗政治隆盛時代民族殷繁各安其業風清俗美否則反是惟今日政體既革斯民宜各盡天職合羣自治以漸成完善之民族勿謂今不古若也

人類志卷二十四

民族之進化遼東爲晚漢唐以前無甚可紀遼金以降禮俗教治漸次修舉清順治初值革鼎之後本境民戶蕭條田多未闢前州志序所載可略見一斑也迄後屢經招徠休養生息數百餘年間閭閻比漸成殷庶之景衆由是功用既興人事日以繁夥惟所人民率皆移自他方漢滿雜處政教雖同而風俗或殊焉如何而整齊之如何而利導之則士夫之責也述人類志第二十四

種族

本境種族漢人最先其次則滿蒙回公孫氏據遼東所統皆漢族厥後高麗及遼元遺族各處散居漸與漢族同化洎清太祖得遼陽明人來歸者多隸漢軍由滿洲本部從征軍人以至金元舊族各部附屬者分隸滿洲蒙古各分八旗定都以後由順直山東各省遷來之漢人皆入民籍令皆墾田土著惟回民自保其種同名爲民而不混於漢約計本境漢人百之四五滿人百之一八漢軍人百之二七其蒙回各族百之十此四族中農居十

之六工商一轉移職事者一而充兵役及無業游民與釋道等居其二時勢遷流競爭生存之事日益劇烈路鑛之利坐視外人吸取設庶而不富富而無教人類幾何而不滅也各族分列于左

漢族 漢代以兵征四裔外人因稱中國爲漢即稱中國人爲漢族元許衡請行漢法也是也元世祖征日本日本因目漢族爲蒙古利亞族其實非也燕秦之際漢人間或避地屏居遼東及元菟郡置來者益衆歷慕容耶律之更代而漢族未變於夷藉非文化維持之力不至此清初先都遼陽土著漢人降附者爲漢軍順治時撥關內人民來墾田給以牛種厥後不招而自至者甚夥入民籍隸漢軍任便民國取銷旗制漢軍民籍統爲漢族故漢人爲最多

滿族 清初崛起長白鄂多哩城合古昔肅慎夫餘三韓挹婁勿吉靺鞨女真完顏歷代諸部族黑水白山西南等處統號滿洲是爲滿洲之始日本目爲通古斯族以清國書考之滿洲本作滿珠二字皆平讀西藏獻丹書皆稱曼珠繙譯其義曼珠者華言妙吉

祥也清太祖時併葉赫烏拉輝發哈達棟鄂哲陳蘇完諸部相繼歸附均隸屬焉厥後漢軍或因功改隸滿洲或由他部歸附編爲新滿洲與舊族並無差殊順治時號遼陽爲東京滿洲八旗兵駐防於此遂爲土著繼而領荒任墾分處城鄉滿人與民人不交產不結婚意在保持生計及種族惟滿人不克自奮以先世隸軍籍子孫率多充兵食糧罕習四民本業迄清末季遂以不振鼎革以來畛域悉化與民人同

蒙古族 唐時曰蒙兀或訛爲蒙骨斯元祖以蒙古崛起朔漠混一區宇廣建宗藩及其亡也漠南北之地遺族孔多即今興安嶺內外蒙古是已清初以種族相近之關係頗多內附輒編入旗籍分爲蒙古八旗舊部則錫以封爵羈縻之使各安藩屬其色目又有錫伯巴爾虎等名習俗語言文字與滿洲小有異同遼陽原有巴爾虎一旗駐防然土著之蒙族亦有不隸此旗者如諸王旗喇嘛園各壯丁往往有之不可殫數民國以來亦與漢族同化矣

回族 阿剌伯人其入中國始自隋唐有清征準噶爾大小卓和木等亞洲土耳其回族

歸附者日衆本境城鎮鄉不少回民散處多以屠牛及小販爲業罕置土田惟保種甚嚴一切禮俗飲食與他族不同各戶門首皆用阿剌伯文字爲標誌每年仍用其祖國歲元平居與人交語言和悅及遇事相爭輒好奮鬪

戶口

本邑在明時代設定遼五衛置兵屯戍未嘗以人民實邊地闕人稀有土滿之患清順治十年始設府轄附郭遼陽縣招直魯豫晉人民來此墾田康熙二十年間尙復人烟寥落嗣因官給牛種先至者有如歸之樂聞風者乃源源而來及雍正間爰始編查丁戶分爲十甲二十七社每丁征耗銀一錢五分五釐人民以登版爲多累書吏以冊費丁銀爲耗賸脫漏之弊在所不免故俗有一丁遮百戶之說光緒初州署丁額五千餘嗣後除撥遼中本溪二縣外餘四千五百七十七丁漢軍旗籍戶口原不入本城冊檔滿蒙人戶遵例三年一比光緒間旗署冊載男女大小僅二萬零二百名口清末取消旗制免征民丁編查責成巡警其時土著旗籍五萬四千二百四十三戶民籍五萬八千零三十六戶客籍

一千八百三十二戶計丁男二十四萬四千零六十二名小男十四萬三千九百三十九名女大口二十萬零一千七百八十八女小口十二萬八千二百七十八統計男女七十一萬八千零六十七名口內有學童二萬有奇迄今又二十年歲有登加然綜覈全境十一區調查戶口除舖商及鐵路附屬地外實數仍未滿八十萬各區分列於下

第一區城廂 戶一萬七千二百九十三男四萬七千零二十三女四萬七千一百三十五口

第二區 戶一萬四千二百六十九男四萬八千三百六十一女四萬五千九百八十七口

第三區 戶一萬一千三百六十男三萬八千八百七十七女三萬六千九百零三口

第四區 戶一萬零七百八十二男三萬八千九百三十六女三萬六千五百八十四口

遼陽縣志

卷二十四

人類志

四

奉天第二工科職業學校印

第五區 戶一萬三千零七十九男五萬一千一百二十五女四萬六千二百七十口

第六區 戶九千一百七十八男三萬二千零零七女三萬九千零三十七口

第七區 戶一萬零三百二十九男三萬六千八百五十五女三萬四千五百四十八口

第八區 戶六千二百零四男二萬二千八百零七女二萬零九百三十二口

第九區 戶六千零二十八男二萬零六百一十六女一萬九千一百四十口

第十區 戶一萬五千四百一十四男五萬一千一百七十二女四萬七千八百七十二口

第十一區 戶二千六百四十八男八千零五十四女七千零二十一此區在鞍山鐵礦附近畫為特別警區不在區村制內

統計一一六五八四戶男三九五八三三名女三八一四二九口

全境商戶 城廂一區一千三百七十五戶男一萬四千二百八十三女八百七十七口二區一百十五戶男三百三十一女一百零一口三區一百零四戶男二百九十

八名女百三十八口四區八十九戶男二百二十五名名女百十三口五區百十七戶男三百三十三名女九十一口六區九十六戶男二百五十一名女百零二口七區百二十九戶男三百六十三名女百三十一口八區八十四戶男百九十一名女六十口九區九十一戶男百八十七名女八十一口十區百零一戶男三百三十二名女百三十八口十一區百七十九戶男四百七十七名女四百零九口

總計全境商戶二千四百八十戶男一萬七千二百七十一名女二千二百四十一口

本境鐵路附屬本國戶口數 共大小八站計一千一百四十六戶一萬一千三百七十一名

總計以上三項共人口八十萬零八千一百四十五名口此數係民國十五年巡警調查與從前區村表所列戶口故不相符本邑全境面積二萬五千六百万方里除去山水約一萬七千九百万方里平均每方里地約占四十五人

附外國僑民

日本僑民 由千山至十里河八站計二千七百八十五戶一萬一千三百二十八人
韓僑民 下韭菜峪八會寨達子堡梨皮峪東南各山溝內租種稻田韓僑共二十六戶男六十四名女五十一口

氏族

古者因生以賜姓胙之土而命之氏世代相承無難沿溯本邑數千年來華夷種族之爭互爲消長人民遷徙須臾代謝欲求累葉之著姓不可得而詳矣惟清初宗室覺羅滿蒙漢人暨來自內地建立功業而成大族者尙落落可數焉謹叙列於左

愛辛覺羅氏 爲清之嫡派皇族開國後之受氏也俗呼黃帶子又有遠支而別爲覺羅氏者開國前之受氏也俗呼紅帶子分隸於盛京左右翼八旗有以莊親王之本支而留守者有由京移居省城而分駐於遼陽者現在城內及城北旂杆堡五達哈堡等處皆有其後裔焉

佟佳氏 遼東有佟養正者其先爲滿洲居佟佳以地爲氏祖達爾哈齊以貿易居開原繼遷撫順天命初養正從弟養性輸誠清太祖及克撫順養正遂挈家并族屬來歸隸漢軍六年從征遼陽遂家焉汪提學灝撰佟氏世系圖序云佟舊爲遼陽著姓由仕明鎮國將軍達禮爲一世逮八世下三世中公四人國舅二人伯三人額駙二人文則內自侍郎至主事外自督撫至縣令武則內自都統至佐領外自提督至守府數十百人不可勝記康熙二年忠勇公國綱與佟佳氏諸大臣奉命攷訂支派叙列族譜請歸滿洲部議以佟佳氏官職甚多應隸漢軍惟國綱本支入滿洲正白旗於是滿漢分隸族大支繁清八大姓中稱最焉住遼者有漢軍正黃旗之佟漢源舉人佟炳麟庚辰進士內閣中書居城西南馬伊屯隸滿洲旗者散處於城北各村落無甚顯者至今滿洲傳十一世漢軍傳八世

瓜爾佳氏 有費英東者世居蘇完後隸滿洲鑲黃旗清太祖創業之初隨其父蘇完部長索爾果首率所部軍民歸清授一等大臣尙主從征諸國三十餘年身先士卒衝突

堅陣所向披靡性忠直敢言累遷至一等公世爵子十人六子索海以戰功累遷至一等輕車都尉七子圖賴亦以戰功至一等公又有吳巴海者世居烏喇後隸滿洲鑲藍旗清天命三年從征尼堪外蘭至崇德二年累功加世職一等輕車都尉晉三等子嗣子傳喀襲一等輕車都尉弟夏色姪錫漢分襲兩騎都尉皆子孫繁衍在遼者有隸正藍旗之通阿拉任喜峯口副都統其裔哈隆阿住藍旗移城內二道街任遼陽防禦候補佐領護理城守尉隸鑲藍旗之愛興阿御史及定保拔貢現任省政務廳長住石橋子隸正紅旗之誠允法政畢業現任吉林政務廳長代理省長住水泉隸鑲紅旗之慶元附生住三道壩傳十五世其住鷹房子白旗堡等村亦有顯者

馬佳氏 世居長白嘉里庫一世馬穆敦三世奇卜圖仕清從太祖入關有功授男爵六世克庫噶哈公爵至九世剛察色乾隆間任遼陽鑲黃防禦遂家焉子孫散處城內及新城高麗溝山藥堡黃柏峪等村十五世世安字海樓驍騎校子延喜字子元現任中國銀行行長二等大綬嘉禾章在遼已傳九世

喜塔臘氏 或譯喜他拉氏世居喜塔臘地以地爲氏昔清興祖后之父爲圖力吉都督
顯祖后之父爲阿古都督至達格都太祖封爲國舅隸滿洲正紅旗世爲福陵章京品
級

富察氏 原籍長白至檀都居沙濟之富察地方因以爲氏四世莽色德宜住乎之女爲
清太祖之后以國戚從征至瀋遼間駐防隸滿洲鑲藍旗五世汪克巴顏任護軍校卒
葬東京陵遂家焉三弟阿克占欽留爲沙濟城主四弟阿都氣任都統六世阿泰爲孤
倫城主阿蘭泰隨駕入京仕至武英殿大學士贈少保兼太子太保諡文清哈錫屯歷
任太子太保議政大臣內大臣諡恪僖七世富寧安文清子仕至大學士密思翰任議
政大臣戶部尚書諡敏果至十五世文光文慧均筆帖式十六世櫨閣字雅軒由監貢
生歷任太常寺筆政光祿寺署正山西候補同知現住東京陵傳十七世其隸鑲黃旗
者住東沙坨子有治安舉人國子監博士恒安優貢族孫瑞卿附生其隸鑲紅旗者住
城內有雙英東洋陸軍畢業任東北陸軍二十二師師長住排房有蔭普山西補用知

縣蔭清江蘇補用知縣蔭徵鳳凰城防禦均傳十餘世

納拉氏 或譯那拉氏世居長白輝發由一世星武里歸清隸滿洲鑲紅旗十一世那善
任奉天佐領城北音德牛象有全成字貫一護理城守尉已傳十六世

鈕古錄氏 初居長白山後散處都英額至五世額亦都歸清隸滿洲鑲黃旗佐太祖征
討所向克捷賞賚有加並納其女爲太宗妃子孫先後尙主者五人卒封弘毅公配享
太廟配五人子十七人七世麟愛由長白穆村依古嘉當移至遼陽東京陵隸鑲藍旗
十二世宗林北京高師畢業現充樂亭稅捐局長在遼已傳五世現冠漢姓爲郎氏
舒穆祿氏 有郎柱者世居渾春後隸滿洲鑲白旗以庫爾喀部長與弟汪善歸清子揚
古利尙主以功授超品一等公世職朝鮮之役以礮傷卒於軍追封武勳王汪善從太
祖取遼陽入宿衛奉令駐東京陵候旨聽選及歿遂葬焉勅封都督居城內者有雍福
字堯封歷任各城倉稅官以慈善著子德英舉人德元拔貢住東京陵者烏藍保筆帖
式曾孫伊禮實主事溫哲渾筆帖式傳十五世現冠漢姓爲徐氏

烏蘇氏 有吉思哈者世居瓦爾喀馮家屯與弟吉普喀達歸清隸滿洲正白旗天命四年從征授輕車都尉世職累遷至吏部參政吉普喀達亦以功授三等輕車都尉世職天命六年戰死贈二等輕車都尉世職駐防遼陽者順治初有孟吉納者卒葬於邑南遂家焉因以穆家改名其村孫穆清格康熙間爲山海關城守尉其隸正藍旗者住桑園子有依隆阿驍騎校寶銓防禦崇禎防禦慶雲倉官祥溥筆帖式熙麟拔貢住新城者有柏常阿筆帖式有致和奉天被服廠庶務主任住望寶台有桂馨防禦住城內有霍隆武鑲白旗防禦護理城守尉子霍端裕法政畢業均傳十餘世現冠漢姓穆氏
尼馬察氏 有專突者由長白從清太祖征討世祖定鼎駐防北京二世阿克偏武移居遼陽子孫散處城內及新城長嶺子陶官屯沙坨子等村八世毓綸字朗川舉人錫庚字韻臣舉人漢字堂主事九世文萃子蒼齋附生鳳城教官文治字雨臣附生己傳十世現冠漢姓張氏

約哈那氏 世居長白那家溝一世不滿從清祖入關二世馬爾濟順治間任奉天鑲藍

旗佐領遷遼陽城守尉遂家焉三世五格世襲雲騎尉五世虎什布世襲雲騎尉現住新城者有永清世襲雲騎尉雙瑞字輯五世襲恩騎尉與清相那桐同譜傳九世
依爾根覺羅氏 有格立必者由長白以護軍校入關駐防北京二世格里勤三世沙洪均護軍校順治間由京移奉至五世編伍移遼陽散處於新城天河泡等村十世煜綺筆帖式煜堂戊寅歲貢煜岳字光普遼陽正藍旗防禦奉天法律別科畢業已傳十二世住東京陵者有隸正藍旗之璧拉什由長白汪肇溝移來十一世文荃字香圃舉人十二世誠格字存甫東洋宏文畢業誠恕字敬甫高師畢業鴻聲警官學校畢業歷充署長隸鑲藍之穆哈達由長白穆溪地方移來八世多倫字文閣內閣中書加四級保用內閣侍讀傳十世現冠漢姓趙氏族大支繁

巴雅拉氏 世居長白清初從龍入關隸滿洲鑲白旗由一世希得庫任遼陽鑲白旗校政遂家焉阿林保昭陵防禦六世慶山遼陽旗倉倉官純德熊岳防守尉候補協領誥授武功將軍七世桂森字秋巖舉人進士謄錄戶部筆帖式委主事晉授承德郎桂馨

字月亭饒騎校桂雲桂榮皆庠生八世永貞字佩珩丁酉拔貢依綿驍騎校法政畢業九世毓麟陸軍講武堂畢業現任十二師中校參謀長皆散處於新楊林子大螞蜂泡等村已傳十世現冠漢姓白氏

完顏氏 世居完顏地方金裔分隸各旗留奉者惟鑲藍旗滿洲爲著五世楊保誥封昭武都尉七世佛爾果春生員考授筆政升員外郎八世呈瑞字輯五辛亥舉人子攀桂舉人官至御史居城南杜家窪子傳十世現居本城及腰截子汪家峪皆有其族裔冠漢姓汪氏

撒哈拉氏 有慧者世居蒙古撒哈拉清天命初烏斯藏大喇嘛法師幹祿打兒東遊蒙古諸部率蒙古撒哈喇十三戶百家來遼慧與焉從太祖克遼陽順治五年隸內務府充差駐防遼陽住城南陳家台者至十世春溥字博泉丙子進士翰林院編修文淵閣校理弟春融癸巳舉人歷任推事綏遠知州民國十三年被選爲省議員子紹志字式穀己酉拔貢朝考一等一名小京官現充哈埠特別區長官署教育科科长住喇嘛園

者至十一世奎光字書五號珠泉由舉人補用知縣歷署東平新泰壽張各州縣有政聲科興額字瑤階壬午舉人就揀知縣已傳至十五世住柳木溝者有奎武字福亭子麟瑞現充區長冠漢姓許氏

巴雅拉氏 有色布勒得克者康熙三十一年由喀爾喀隸岫巖蒙古鑲黃旗巴爾虎世職佐領二世漢都世職因事歸公四世阿于什乾隆初由校政升遼陽佐領遂家焉居邑南達子營九世恩厚世襲雲騎尉題署正紅旗防禦十世鍾麟字夢星知湖南嘉禾縣事鍾毓字曉峯丙申進士夢星長孫世昌現肄業於東北大學傳十二世現冠漢姓白氏

哈扎力氏 隸蒙古鑲黃旗住麥山子者有志熙字斗山舉人國子監博士子英斌字伯俊邑庠生又有住鵝房等處者均冠漢姓韓氏

石氏 有石廷柱者原姓瓜爾佳氏先世居蘇完曾祖布哈明成化中任建州左衛指揮僉事祖阿爾松阿襲職父石漢避讐於遼東遂以石爲姓廷柱有二兄國柱天柱天命

七年以守備獻城隸漢軍累功至三等伯世爵贈少傅兼太子太傅諡忠勇子華善授和碩額駙爲石漢修墓於遼陽東門外里許子孫顯達家隨仕轉邑中因無著姓

楊氏 其先山東沂水縣人徙遼陽隸漢軍讓白旗至宗仁官至湖廣總督子文乾官至廣東巡撫孫應琚歷官河東西甯道甘肅按察使甘肅山東巡撫兩廣總督乾隆二十九年以陝甘總督拜東閣大學士族大枝繁詩書繼美其以文學著者有扶九洗馬萬程補籬先生天樞復菴太守天寵敬齋大令師震逸菴司庫永清已傳十餘世現多移居北京

徐氏 有徐國相者字行清隸漢軍正藍旗住城東北山藥舖順治十二年由貢生授戶部他赤哈哈番歷官至安徽巡撫湖廣總督有一代偉人之目子岳官閩中知縣至今子孫繁衍傳十餘世各處散居

張氏 隸漢軍旗住城西繡江堡子傳至玉綸字君掌號繡江道光壬辰舉人子寶琪巡檢次寶珩舉人孫平格進士傳十餘世族多散處

劉氏 有劉成貴者天命初年由京東河西塢遷至邑西劉爾堡易名爲新劉堡嗣以長子移居馬家屯惟次子景龍居此因改呼爲劉二堡子遂沿用焉至德壽字介堂業商樂善好施一方利賴咸豐初歲屢歉輒施急賑事聞議叙五品封典鄉鎮僉稱善士至治安字策臣少孤性孝友多義舉於水旱兵燹中全獲無算卒鄉耆私諡曰仁惠至恩格字鯉門法政畢業曾被選衆議院議長至今傳十餘世稱大族焉

王氏 其先世居河南康熙初徙居邑城內以醫濟世人稱王善人長子縉深州學正次子組雍正進士歷任甘肅涼州知府縉子爾烈乾隆進士仕至內閣侍讀以大理少卿致仕其族城鄉皆有之

王氏 嘉慶間有世芳者遷自山東慨慷樂施及歿里人爲立祠建碑私諡貞惠子九人君炤歲貢煥辰附貢官知州熙辰附貢煒辰拔貢官知府孫福謙優貢德謙舉人巽謙知縣今其曾玄孫等世有顯者猶能以書香綿世澤云人以其宅第仿河南式皆稱爲河南院其族散居四鄉者亦復不少

李氏 有李翹林者原籍直隸昌黎清順治八年來遼居城南風水溝世業商傳至毓芬字香圃由附貢候選知縣起家酒酷致富歷辦救災恤孤興學各義舉皆自己捐貲族孫寶賢現充教養工廠廠長英奇現任黑龍江呼嗎縣知事其餘族人散處城鄉可稱巨族

張氏 族姓徧於城鄉往往數戶或十數戶之村皆有張氏族焉民籍張氏之著者城西南揚氣堡張桂林字丹崖任海城訓導子斗垣漢教習孫魯塵邑附生三世書香又長林子張景純歲貢子鍾彥孫鴻薦鴻志皆邑庠生皆族大支繁其餘不備錄又清初張大猷隸漢軍以功封三等子世職子孫多顯達今其後裔不可考矣

高氏 清初萬斌世居本邑始隸漢軍雍正間改隸滿洲諡文定孫高杞之女爲慧賢皇貴妃其後裔已不可考然現居境內高氏多漢軍人住邑南禮備溝高元順世襲雲騎尉居邑東南達連河高觀宸舉人居南新堡高進化師範科貢生皆係大族隸滿洲者住城北房身高毓衡副榜族亦不少其餘散處各鄉不可悉紀

王氏 原籍陝西西安府長安縣順治八年有庠生夾輔遷奉入遼陽州豐盛社九甲卜居於城西門寨小什字街南雙井造房一所書耕爲業二世之臣字子廷康熙間廩貢生直隸州薊州訓導工書法懷王寺正殿額署雁雲堂三字西門外關帝廟戲樓額署摘錦樓其真蹟也三世謙字六吉康熙間增生傑字萬一康熙間廩生四世德純字景文號穆齋乾隆辛酉拔貢建德縣知縣五世瀚字匯川監生六世輝鼎字兆先庠生七世福綸字雲鵬嘉慶壬申拔貢仕至內閣學士太僕寺少卿福續附貢生福綬字印潭道光甲辰舉人武清縣教諭書法擅長關帝廟之建極扶清殿其遺蹟也煒堂字東橋光緒甲申歲貢八世丙炎字午亭歲貢丙南字午軒附貢貽穀庠生九世化春字雨帆光緒丙午優貢籤分陝西補用縣丞十世錫嘏字叔純講武堂畢業現充東北陸軍騎兵第十六師中校參謀族大枝繁除住城者外尚有住鵝房沙河石橋子二道溝二台子及遷往北省者

禮俗志卷二十五

禮教之興所以範圍人之身心而不越者也顧秩祀迎春耕藉鄉飲諸典自邦國達之郡縣因革損益與時變通國無殊禮各縣同之所不同者禮俗耳記曰禮從宜因俗制宜法所不禁也惟積習相沿或戾乎禮之本意其漸亦不可長被髮祭野識者憂之茲採民風及婚喪雜祭各儀節略爲分列以便採風者擇焉述禮俗志第二十五

民風

漢書地理志云遼東地廣民稀箕子教其民以禮義田蠶織作其民終不相盜無門戶之閉婦人貞信金史云舊風淳直其祭天地敬親戚尊者老接賓客信朋友禮意款曲皆出自然元志云性悍善騎射明一統志云人多僑居俗各異好又云人性淳實務農桑習文禮盛京通志云遼風淳朴箕澤未湮又曰質直少文剛毅不撓其天性也士大夫無驕泰侈靡之習閭閻勤儉而畏法行者不齋糧而雜黍之誼必篤父兄對賓客子弟侍立執杯勺必恭家庭無詬諍市鮮喧呶又曰勇悍喜騎射淳樸力農又曰農知務本士頗橫經

按謹

以上係指遼東全境而言似非本境一邑所能吻合然今日之遼由府而州而縣面積固狹昔日之遼由郡而都而路而衛面積實廣固未可以轄境改革而沒其古風也

觀歷代史乘所載民風已可

概見然世運升降民俗不無變遷安知其今不異於古所云耶查縣境東南部多山民情質樸多務蠶桑林業習於樵採西北部遼河一帶民性聰穎中部平原民多厚重耐勞全境男尚廉恥女守貞信均以勤儉自勵四民之中農居大半工商次之士又次之士無驕習農無惰容工商各以信義自守維新以來上流社會漸染浮靡下焉者日漸偷薄中小畢業生半舍本業而習爲吏此其弊也惟男多剪髮女少纏足實業教育浸見發展漢滿蒙三族互婚畛域化而文明啓亦足取焉

婚娶

禮經昏義有六曰納采問名納吉納徵請期親迎是也本境猶沿用之特習而不察反忘禮之所從出矣查男女結婚先由媒妁介紹兩家父母互先探看訪詢即古問名之義然後求庚卜吉俗謂合婚即納吉也婚議既定男家備布帛簪珥之屬偕媒妁親至女家行定聘禮是日兩家歡宴易杯而飲俗謂換盅又謂會親又謂放定

緣有寒家不治酒席而行裝奩禮者又有世家設席不換盅而互換

婚書者舊儀

曰龍鳳柬

即古之納采也

古納雁以爲采擇之禮

屆應婚之年男家議娶邀術士選定吉日用紅箋書男

女年庚嫁娶日時及從俗禁忌並納聘日期於兩月前擇吉邀媒往告俗謂通信即請期

也及屆聘期男家備猪酒服飾等物

富者雙猪雙酒貧者減半或折銀錢

納之女家俗稱過禮又曰行茶又訛稱

納采實納徵也

納者納幣以爲昏姻之証也徵又成也所以成其信而不渝也

是日女家將所受猪酒祭告祖先邀集戚友族黨

設宴會飲戚友等各出銀錢首飾以贈名曰助妝又稱奩儀親迎前一日女家送妝奩什

物於男家曰安嫁妝現行結婚禮皆在上午

按此義與古不同禮昏義疏曰昏者娶妻之禮以昏爲期取陽往陰來之義

男家備彩轎或彩

輿燭馬鼓樂前導新婿同喜僮

通常四人或二人多者六人或八人貧富繁簡不同

俗名娶親客娶親娘

一人至二人

至女家親迎

取男先於女之義新婿登堂拜女父母俗名謝親即奠雁也

古奠雁禮謂婿親受室於女之父母也

女家贈婿多

金並以酒穀欸婿畢婿升轎或馬前行新婦以紅巾蒙首弟妹行挽扶升轎女家亦用喜

僮

人數與男家同

俗名送親客送親娘護送路間過井墓廟宇障以紅氈避邪衝犯及至男家候吉

時下轎紅氈鋪地新婦踏行其上至堂前設喜桌曰天地桌新人交拜訖新婿引婦入室

至門闥揭去蒙首紅巾新婦携寶瓶入洞房向吉方端坐名曰坐帳又呼坐福喜娘爲新

婦加髻俗呼上頭女家以男家酒穀肆筵欸婿俗謂館小飯即館甥遺意是午男家開盛

筵來賓戚友各出銀錢贈婿家曰喜儀至夕新婿與新婦飲交盃酒吃合喜麵即合香禮

也翌晨新婦拜先祖及舅姑以次拜宗族前輩俗謂分大小即實明見舅姑禮也戚友族

黨各贈新婦以資或飾物曰拜儀四日或七日女家接女及壻俗謂回酒即反馬也踰月

新婦歸寧謂之住對月此舊式婚禮之大略也惟親迎之禮需費多金富家行之中產以

下皆女至婿門始俟著俟堂而已近年士紳多做西式行文明結婚禮但舊儀相沿已久

仍難盡除不過畧事變通焉耳至平民則悉仍舊制再查漢滿蒙婚禮原各不同迄民國

成立漸歸一致其相異之點業已廢除故不贅叙

回教婚禮至簡先由冰人撮合兩家同意將聘儀名色詳註紅箋以爲証書結婚用主麻

日

即曆書之牛

請阿訇誦經用亞拉伯文字寫立依扎卜

即婚書

無拜天地各儀節餘與漢教禮

同

即曆書之牛

請阿訇誦經用亞拉伯文字寫立依扎卜

即婚書

無拜天地各儀節餘與漢教禮

喪葬

喪葬之禮多沿舊制繁簡不同各視貧富之力爲之當疾革時昇置牀上子孫環守俟氣絕主喪者長子主之長子故長孫主之出戶登高而號者三俗曰指其路誤也即古之皋復也禮喪大記載

履危北面三號註履危立於高峻之處蓋屋之脊也三號者一號於上冀魂自天而來一號於下冀魂自地而來一號於中冀魂自天地四方之間而來皋長聲也其辭則皋某復也釋其義即招魂冀復生也今日指冥路是欲親之去也親氣甫絕而欲其去人子之心何安故云誤號畢反室視親不復生方以錢納口以鎮惡氣以紅

絨籠兩臂及足以防誤動而魂難歸來也男停中堂曰正寢女停內室曰內寢靈頭陳飯一盂插著三枚上端各裹新綿即古屬纊之遺意也纊新綿也屬之口鼻觀其動否以驗氣之有無也今不行此禮而但置綿纊矣足下燃燈

一盞然後以襲歛之即古之小歛歛畢以帛蒙面即雜記設冒之遺意註恐尸像形見爲人所惡也復用人

携壺漿燈籠導於前子孫隨之至附近神祠焚香化楮哭而返俗謂報廟每日早午夕三次至大歛止釋其義即人子哀求神道俾返親魂之意延術士開具死者生辰回煞及含殮應需應忌各事粘於壁

謂之開殃榜喪主寢苦枕塊食疏粥不茹葷即日通知戚友弔者至喪主稽顙而拜家屬拜而後稽顙謂之行孝三日納尸於棺亦有次日或二日即古之大歛禮三日而后歛者以俟其生也三日而不生亦不生矣孝子之心亦益衰

矣家室之計衣服之具亦可以成矣親戚之遠者亦可以至矣故舉人斷以三日禮制也停柩在堂子孫環經於側柩前設盂一每食貯飯少許即

儀禮設熬之義並置長明燈照祭饌也子孫朝夕哭奠焚化紙箔謂之焚冥楮大歛之日

日晡時具塗車芻靈鼓樂前導僧道誦經喪主捧帚引魂詣神祠焚化祭畢而返謂之接釋其義即佛來接引之義又謂送行七日黎明設祭於庭子孫向空哭奠俗謂上望蓋取七日來復並

梵經所載望鄉之說自是每逢單七日皆有家奠謂之辦期至七七而止百日亦如之卜期啓殯每在五七七之間先期延術士擇定殯期印成訃文註明亡人生卒年月日時

及開弔發引日期遍致戚友葬前三日開弔喪家紮棚張樂建醮置銘旌於門外戚友贈輓聯祭幛皆懸棚內或有送祭桌贈賻儀及香燭紙供者弔者至喪主奉腰經於男首經

於女謂之散孝授受皆拜有服者辭次日延儋禮祭請有德望者爲題木主考之禮既葬而虞祭處度也度親魂於此乎於彼乎於是招魂書木主奉之於廟俾有憑依也曰成主發引前一夕家祭畢戚友以次祖奠謂之

辭靈齋醮竟夕謂之坐夜即不忍遽別之義翌晨發引銘旌前導儀仗隨之喪主執旛行於前女眷

乘輿哭於後親戚諸賓步送出郭或出里門喪主稽顙謝賓乃還路間或有攔轎致祭者

及入塋祀后土畢就壙正其方向喪主以襟兜土掩棺者三助葬人始各築土起墳各冥物悉於此時焚化喪主率家人設奠哭之盡哀乃返葬後三日詣墓哭奠培土於塚曰圓墳百日復詣墓哭奠小祥大祥亦如之此舊式喪禮之大畧也惟世家多行之餘邀方外醮薦則曰經殯邀畫工紫車馬人等事臨葬焚之即古之芻靈其尤簡者接三後即葬別無儀文滿蒙喪禮昔雖稍異今漸一致故不贅

按喪禮也今中資以上之家皆備鼓吹輿經旗幟

年吹如回吉禮也手口喪與其易也

輿今失之矣

棺如厚時撤其底屍自就壙

謂亡人靈魂飄

蕩無依奔土如奔金故無論貧富停喪不逾四十八小時即葬吉凶無所忌謂生不選日死不擇時惟通知回教各家均沐浴送殯葬後七日百日仍請阿訇誦經無四時墓祭等事

祭祖

祭祖之禮漢與滿蒙不同漢人世家大族皆立宗祠歲時致祭備牧牢陳俎豆獻帛脩食如儀至庶人則奉木主或宗譜而祭於寢不過薦其時食已耳滿人則設神版神竿祭以

特豕黎明陳几於地置牲於櫨主祭者焚香迎神灌牲耳以酒牲鳴謂之領牲猶言神已領牲默示歆享之義然後牢牲獻生薦熟如儀蒙人設影神位又稱曰佛凡食新及瓜果蔬菜皆祭此常祭也惟兄弟析居自立佛像或子爲父母立像之始方行大祭祭時先祭天地然後於影神位前行領牲獻生薦熟各儀節其或家貧不能備禮竟至廢祀未免忘本矣近來滿蒙祭禮多不講求漸同漢儀故不詳註

鞭春

先立春一日守土官率屬迎春於東郊至日依頒行時刻公服祭勾芒神以杖擊牛三匝如制今雖無明文停止而久已弛廢矣

耕藉

仲春奉部行耕藉日期守土官率僚屬耆老詣先農壇致祭畢更衣至藉田行推耕禮農夫受以終畝如制今停僅農民自行諷吉於田間行禮俗曰試犁

鄉飲酒

歲以孟春望日孟秋冬朔日舉行於學宮講誥讀律歌詩一遵會典今停僅民間行宴會之禮正月例宴曰春觴臨時如洗塵祖餞等無定期主人具柬邀賓屆時賓至主人肅客堂下揖讓而升有古禮主人拜迎賓之義賓齊設筵主人請賓入座或以齒序或以主賓陪賓序主人酌爵獻賓賓酢主人然後啐酒成禮

祝壽

高年初度戚友等贈以壽桃及酒麵額幛等物士紳之家間有以詩詞對聯慶祝者是日主人設禮堂供奉壽星賓友至禮堂行禮主人由子侄等答禮并設筵款客俗曰作壽

生子

生男懸弧於門左生女設悅於門右此古禮也三日浴兒謂之洗三是日吃喜麵與產婆以洗兒錢七日通知母家謂報喜母家及戚黨各贈鷄卵豚蹄面粉等物曰下乳彌月母家以花冠繡襖服飾玩具贈小兒曰作滿月其他親友各贈以資主人設筵款客曰湯餅會俗曰吃滿月酒至百天母家贈饅首百枚曰蒸百歲贈歲百枚曰百歲錢週歲試兒男

用弓矢筆墨女用刀尺鍼縷及珍寶玩物置兒前任其自取以觀其志名 晬盤惟摺紳家行之

繼嗣

無子之人商允以某人子承繼訂期邀集族長以下及村長親友說明原委立有証書由繼子本生父母及族長等以次畫押然後祭告祖先禮成受賀主人設筵款客近來間有依民法程式遵行者

築室

梁棟既架親友以綵布毯氈等搭梁致賀主人酬飲俗曰上梁酒又有俟修造完畢而以傢具等贈送者曰賀房

開市

舖商初設以綾屏喜聯綵布鐘表等爲賀儀主人受賀留飲

遷居受賀

久病忽愈受賀

僧徒落髮道丁冠巾受賀
宣講

舊制地方官到任及朔望均有宣講定例奉行維謹清季漸弛民國以來改設講員分任今又弛懈

按舊儀尙有朝賀受朔賓興救護日月朔望行香諸端儀節與省會同今并停不贅

歲事 依舊歷

正月

初一日爲歲首現改春節咸取順利戒惡言時方交子俗謂新神下界家家衣冠致敬凡天地竈神祖先位前各焚香燃燭然後設香案於庭陳祭品焚紙馬誦祝詞鳴爆竹曰接神禮畢煮水餃食之謂元寶湯食已查歷書出門向財喜諸神方位而行轉至附近廟宇焚香叩拜曰行香回乃安睡黎明起長幼以次叩拜謂之賀歲族黨戚友來拜亦往答拜

由元旦迄初五日於所供神位前

民供天地祖先龍神商供財神工供財神祖師

有行長香者有朝午夕三次行香者均

拜跪如儀又有於初三日五更行送神禮者近多廢止惟此五日內家家飲食從豐內庭忌掃除水不外潑諸事四民及漢滿蒙大致略同

初六日勤儉之家令子孫操作工商晨起燃爆竹開市櫃夥不用者遣

初七日爲人日家家食年糕言能益壽

十五日爲上元節俗呼元宵節又名燈節由十四迄十六商民皆張燈火間有奏管絃者

街市演雜劇如龍燈高蹺獅子旱船等沿街跳舞俗謂秧歌即古鄉儺之義十五爲正節

是夕燈火花炮倍盛有星橋火樹之觀遊人雜沓穰往熙來夜分乃止各家均食湯圓謂

之元宵鄉民送小燈於祖墓兒女戲作麪燈十二

閏月照加

以下某月旱潦并分置暗處照除

不祥又燃元旦殘燭繞宅徧照以免竊盜比戶皆然即古所謂照虛耗也

二十五日爲填倉日農家及糧店皆以梁蘆心作小耒耜盛飯一盂并納倉廩中焚香拜

祭俗謂填倉三日乃撤或二月二日撤